

學術

丁謙 (1843—1919)

先生姓丁氏，名謙，字益甫，舊隸浙江仁和县籍，至其祖始遷懷縣。少孤，侍母蔣氏教養成才，稟資穎異，弱齡能文，年十七補杭府學博士弟子員。清同治四年貢於鄉。光緒七年大挑二等署湯溪縣教諭。旋選授象山縣教諭，在任三十載，士論翕服。十年中法之役，勸團防海有功，奏加五品銜。又以造士成績，由督學使者張亨嘉奏聞，奉旨嘉獎。旋升處州府教授，以老不赴。至民國八年病卒，年七十有七。先生博覽多通，藏書甚富，工駢散文，精醫學，篤嗜金石，尤長於外域輿地考證。所著有蓬萊軒輿地叢書六十九卷，由浙江圖書館爲鳩

賈刊行，風行於世，今所稱浙江圖書館叢書第一二集是也。中有大唐西域記考證，日本崛謙德作解說西域記，多闡發其說。然崛氏書，亦有足補正先生所未及者。穆天子傳補注，則除杭州本外，又載於地學雜誌中。又著成而未刊者，尚有元馬哥博羅游記補註一卷，亦刊載地學雜誌中。宋徐靈隱事略補注一卷，張懋西云，曾見其稿，今不知存否。宋謝靈運山居賦補注一卷，元朮赤補傳注一卷，均有關地理之作云。（葉瀚清代地理家傳略）

王湘綺

(1820—1916)

王湘綺字壬秋，原名開運，後改開運。湖南湘潭人，幼以神童稱。年十八即設城南書院於長沙，設帳教授子弟。咸豐二年，年二十三歲，舉於鄉。入京爲肅順坐客，賦頌和園詩，傾動天下。湘軍起，參與曾國藩之帷幕，嘗謂國藩曰：「與其支持此腐朽之清朝，不如代清朝而統一天下。」及洪楊亂平，乃去職，從事學問。

開運壬子鄉舉後，屢會試，不第。會試萍始生試自跋云：「咸豐十年，會試天下舉人，天子命大學士周祖培爲正總裁官。二場試五經義，至禮記獨發萍始生一句。案其義例，說數十言明白矣，而功令限三百字以外，乃作賦一篇。又禁挾片紙，不得錄棄，既剗落領卷，故題爲會試賦云。」又開運辛未（同治十年）日記，記會試事云：「曉起入貢院東右門聽點，午初入場，坐閤字號。」「題紙

下，一問經注篇目，二問正史得失，三問畿輔水利，四問練兵，五問農官。余以練兵無益爲對，嫌其罵題。五問乃以駢體敷衍之。『有人自內出，傳言湖南十四人，無余卷。』閻運才氣橫溢，玩世不恭。如會試賦起句爲『有一佳人之當春兮，一想衡文者讀之，必爲之駭然也』。

光緒六年，應四川總督丁寶楨之聘，監督成都之尊經書院，納歌妓莫六雲爲妾。又於高材生之已娶者，恆獎以婦人用品，如手帕脂粉，及弓鞋之木底等物，命轉致其妻。謂勤學由於內助，閻閣之勸勉，勝於師長之督責也。後因兵部尙書彭玉麟之請，經營衡州之船山書院，更從江西巡撫夏時之奏請，管理南昌高等學堂。未幾歸湖南，主講船山書院，又任兩湖書院院長。復被任爲翰林院檢討，禮學館顧問等職。民國元年十二月，爲袁世凱所挾，入北京任國史館總裁。閻連疎升成性，晚年益甚，袁氏以其老成宿望，遇事優容之。閻運嘗入新華門，忽仰視太息曰：『何題此不祥字耶？』同行者大駭而詢之。曰：『吾老退花』

，額上所題。得非新莽門三字乎？「聞者爲之咋舌。又嘗贈總統一聯云：「民猶是也，國猶是也，何分南北。總而言之，統而言之，不是東西。」其性行脫落有如此者。民國五年十月二十日病歿，享年八十有七。閻連博學多才，詩文造詣甚深。說經主西漢今文之學，遍注五經，又爲墨子，鵲冠子，楚辭等注。所著湘軍志，桂陽縣誌，湘綺樓文集，均爲一時所傳誦。（參看凌霄一士隨筆）

王先謙 (1840—1917)

王先謙字益吾，湖南長沙人。同治間進士，授編修，歷官國子監祭酒，督江蘇學政。自蘇學還朝，即乞病歸，爲城南書院院長，從事著書講學。岑春煊撫湘，上所著書，得旨嘉獎，晉內閣學士，光緒二十三年，陳寶箴徐仁鑄建湘學，延梁任公爲師，風氣銳開。先謙暗阻撓之，屢書讓仁鑄。其後平江蘇與爲翼教叢編，謂其扶持正學，功不在子與下。宣統元年，湖南大饑，以乞糶生變，焚官署。湖廣總督瑞澂，謂爲先謙等所主使，遂呈吏議。民國六年病歿，享年七十八歲。

王爲湘中大儒，初學爲古文詞，法曾國藩。爲學重考證，皆師東漢學。博學多聞，著述甚富。嘗校諸史地志，箋水經，補漢書注。又鍾阮元後，輯刊續清經解。復繼姚鼐後，輯續古文詞類纂。先謙細行不謹，每有飲宴，輒召雛伶侑酒。

・又好爲人關說請托，湘人頗有病之者。（參看近代名人小傳）

王國維 (1877—1927)

王國維字靜安，一字伯隅，號觀堂，浙江海寧人。生於光緒三年（一八七七年）。年十六，見人讀漢書而悅之，乃以幼時所儲錢萬，購前四史於杭州。旋舉秀才，肄業於杭州崇文書院。二十二歲至上海，爲時務報司書記校讎。時上虞羅振玉（叔言）設東文學社於上海之梅福里，王以餘暇往受業。未幾時務報封閉，羅乃使王治社中庶務。庚子亂後，羅復助之以資，使留學日本。留東京四五月，以脚氣病作遂歸國，任南洋公學分校教員，次年復任南通師範教員，又次年任蘇州師範教員。居蘇凡三年，有靜安文集，人間詞甲乙稿之刻。

光緒三十四年，至北京，任學部總務司行走，歷充圖書館編譯，名詞館協修，京師大學堂農科教習。此時期專治詞曲，著有人間詞話，古劇腳色考，曲調源流表諸作。辛亥之役，羅氏避地東渡，王亦從之至東京。民國十二年，以蒙古

升允之薦入清宮，任南書房行走。嗣北京大學研究所國學門，聘爲導師。十四年秋清華大學研究院聘爲教授。十六年五月初三日，因革命軍勢盛，憤而自沉於頤和園之昆明湖，享年五十有一。

王氏初頗好哲學，爲叔本華之崇拜者。其在文學方面著作，有紅樓夢評論，宋元戲劇史曲錄等書。對於小說戲劇，爲精密系統之研究。嘗謂「美術中以詩歌，戲曲，小說爲其頂點，以其目的在描寫人生故。」打破我國「文以載道」爲文學目的之腐論，其見地至爲正確。王又治甲骨文字與西北地理，有蒙古史料校注四種行世。（參看徐中舒王靜安先生傳）

王式通

(1864—1931) 王蔭泰附

王式通，字書衡，號志遠，山西汾陽人，原籍浙江紹興。光緒戊戌科進士，任刑部主事。光緒三十二年，考察日本教育行政，累進為大理院少卿。民國元年七月，任司法部次長，旋轉任約法會議秘書長。四年十月，任政事堂機要局長。五年五月，任國務院秘書長，六月轉國務院參議。六年就任全國水利局副總裁，在任凡五年餘，至九年八月始退職。民國十四年後，任故宮博物院管理委員會副委員長，東方文化事業總委員會委員等職。二十年十月三日，病歿於北平，享年六十有八。

王以詩文名海內，又熟於清代掌故，深於經史之學。成進士後，襄張百熙辦教育，參沈家本修法律，皆著功績。民國六年，徐世昌設晚晴詩社，選有清一代詩，鄂六千一百六十八家，凡二百卷，理董編纂，皆出王氏手。又與東海，主

辦清儒學案，王氏編纂兩浙諸儒，已寫定者五十餘家。晚年應東方文化委員會之聘，續修四庫書目，擔任奏議目錄兩類，奏議類成稿甚多。王氏著作宏富，惟謹慎不肯示人。已印成者，有弭兵古義四卷，係因陸徵祥赴瑞士國際聯盟會之請而作者，並有翻譯本，流傳歐美。志齋詩文集若干卷，待刊。關於說經之稿甚多，亦均未刊行云。

王陸泰爲式通子，始留學日本，畢業於第一高等學校，任法政大學及宏文書院之助教。後留學德國，畢業於柏林大學法科。歸國後與其父式通共入司法界，歷任法制局編譯，參事等職。以接近奉系，於十五年七月，得任外交次長。十六年六月，張作霖大元帥時代，遷陞外交總長。十七年奉系失敗後，旋執行律師職務於上海。二十一年，國聯調查團來北平，王氏被聘爲招待員，時年四十五歲。夫人係德國人。

王雲五

王雲五，字岫廬，廣東中山縣人。少多病，十一歲時始讀中文，三四年後，開始渡學徒生涯，然夜間仍抽暇讀書。未幾入同文館（英人所辦）專修英文。十九歲時任上海中國公學中學部英文教員，如胡適之，楊杏佛，朱經農等均爲王之門人，民國元年，蔡元培任教育總長，延爲科長，及教育部移至北京，改任專門司司長。計前後服務於教部者，凡二年。旋在北京主持民主報，並任國民大學及北京大學教授，任政治，歷史英文諸科。嗣後歷任督辦全國煤油礦事宜公署編譯處長，蘇皖贛禁烟特派員諸職。至民國十年，入上海商務印書館任編譯所所長。十三年十一月，開始研究號碼檢字法，十四年研究成功，於東方雜誌上發表四角號碼檢字法。十七年七月又改訂四角號碼檢字法，應用愈益便利。是年漫遊歐洲，於二十年春回國，任上海商務印書館經理之職，兼任東方圖書館

誼長・民國二十一年年四十五歲。著作除四角號碼檢字法外。有中外圖書統一分類法，王雲五大辭典等書。

王桐齡

王桐齡，字蟬山，河北任邱縣人。家世寒儒，少孤，治帖括業。五世從祖應鯨，爲有清中葉學者，長於考據，著有朱子資治通鑑綱目註義一書。王家有藏版，心好之，時涉獵焉。弱冠，入泮。值戊戌政變，亟欲知世界大勢，始涉獵家藏舊書及譯本新書。庚子變後，政府始提倡新學，王考入直隸大學堂肄業。旋升入北京大學堂師範館肄業。以成績優良，派往日本留學，入第一高等學校第一部文科。光緒三十三年畢業，升入東京帝國大學文學部史學科。民國元年畢業，回國，任教育部參事。旋改充北京高等師範學校教授，擔任中國史、東洋史課程，兼充史地系主任。十年，再往日本留學，復入東京帝國大學，專修東洋史。十一年，回國，仍充北京師範大學教授，前後幾二十年。常以餘暇，兼任私立中國大學，明德大學，國立法政大學，女子師範大學，清華大學，北

京大學，及平西燕京大學課程。又以暑期之暇，赴國立西北大學，國立東南大學授課。而以全副精神從事著述。王博聞強記，富於組織力與斷制力，又好旅行，足跡所到，都有記載；故史地著作甚多。已出版者：有中國史，東洋史，中國歷代黨爭史，中國民族史，儒墨之異同，陝西旅行記，江浙旅行記，日本觀察記八種。間作小詩詞，亦頗工整，已出版者，有尚儉堂詩存一種。其短篇論文，散見於地學雜誌，清華學報，燕大史學年報，師大學術季刊中。王爲人謹慎儉約，遇事首負責任。無姬妾，無嗜好，治家尤爲嚴肅。民國二十一年，年五十三歲。

白眉初

白眉初河北盧龍人。生于清光緒二年（一八七六）中秋日，祖父祥山喜甚，因命名月恆，字眉初。壯年後，以字行。平生爲人木強寡言，喜獨居，鮮交游。七歲就學於同邑庠生宣爲齊受孝經，小學四子書，詩經，尙書。十二歲宣病故，乃就學於同邑廩生萬桂馨，繼讀禮易春秋左傳，兼習詩賦八股。十八歲升永平府學宮庠生，二十三歲補廩生。時值戊戌政變，未幾庚子亂作，方理首研究經史。旋悟習舉業之不足以濟世，然家貧，無力遠遊，乃閉戶學算，汎濫於九章八線天元代數，雖備極刻勵，終以無師曠等，急遽難於澈悟，乃毅然捨去。年三十，四月十八日之夜，孤燈靜坐，思人類以肉體藏性靈，肉體資物以存，性靈資學以異。古今恆河沙數人析之祇求富求仁兩派，然偏於前派者比比皆是，偏於後派者寥寥無幾。既夙抱不求學毋寧死之志，茲當棄算決學地理，誓以終身。

蓋以地理爲國計民生之基礎研究，而得結果，斯即仁民愛物之要術也。是夜獨宿一室，夢一偉丈夫啟簾入，右臂挾長五尺餘寬二三尺之飽囊置於榻，遂驚醒。良久秉燈，神魂乃定。即日覽地圖證以典籍，每日取紙默繪地圖若小學生習字然。先必默繪國界省界以寸鐵一端製小圈爲地名符號，黏紅印色印紙上，一印一呼名，無暇注字。次畫水道山脉於其間，如是者年餘，由中國而亞洲，而歐美南洋，地名皆能默繪瞑目如見。然已形毀骨立，精神恍惚。三十一歲暑後，考入袁項城在津創立之北洋師範學堂。補歷史地理科，三年畢業。翌年即清宣統二年，孟夏應學部覆試，列最優等，獎給舉人，吏部司務。民國元年，在天津充中國地學會總編輯。民國六年，充北京高等師範學校教授。十年民國地誌總論之部出版。是年赴南京充東南大學教授。十一年秋，充北京師範大學史地系主任。十二年地理哲學出版。十三年開始編輯中華民國省區全誌，出第一冊京直綏察熱誌，十五年出至第五冊鄂湘贛誌。是年兼充北京女子師範大學